

Մեծ ՅՕՐԵԼԵԱՆԸ

Անցեալ 1912 թ. հոկտ. 13-ից արդէն բացուել է Ամենայն Հայոց Վեհափառ Հայրապետի կարգադրութեամբ: ամեն տեղ, հայութեան բոլոր շրջաններում, 1500-ամեայ տառերի դիւտի և 400-ամեայ հայ տպագրութեան համազգային բաղաբաղկութեան մեծ տօնը—յօրեկանը, եկեղեցական և դպրոցական հանդէսներով:



ԳԷՈՐԳ Դ.
Կաթողիկոս ամենայն Հայոց

Այս համազգային Մեծ Յօրեկանի համար ժամանակ էր նշանակուած մի ամբողջ տարի— 1912 թ. հոկտ. 13-ից մինչև 1913 թ. հոկտ. 12-ը, որի ընթացքում կազմակերպուեցին դրպրոցներում և ազգային հաստատութիւնների մէջ երեկոյթներ, ցերեկոյթներ, համերգներ, դասախօսութիւններ ժողովրդի և աշակերտութեան համար, այլև կատարուեցին ճանապարհորդութիւններ դէպի Օշական, ուր գտնուում է Սուրբ Մեսրոպի գերեզմանը:

Սա մի խելացի, հեռատես և նպատակաշարմար կարգադրութիւն էր, որով արդէն ամեն մի առարկութիւն, պատճառարանութիւն և արտունջ չբանում էին մէջտեղից, և միութեան ու համերաշխ գործելու ուղին հարթուած էր:

Մի տարին բաւական միջոց էր մտածելու,

ժողովներ անելու, յօրեկենական մասնաժողովներ կազմելու և ծրագիրներ մշակելու համար, թէ ինչպէս կարելի կլինի յաւերժացնել այդ ազգային պատմական մեծ տօնը մի բարենպաստակ ձեռնարկութեամբ:

Վեւ դպրոցական ֆօնդը մի կարևոր և անհրաժեշտ միջոցը համարուեց անմահացնելու Ս. Սահակ և Ս. Մեսրոպի երկու իրարից անբաժան անուանները:

Յօրեկենական տարին փակուում է այսօր Ս. Էջմիածնում՝ ազգային հաստատութիւնների ներկայացուցիչների մասնակցութեամբ:

Հրաւերներ կարդում ամբողջ հայութեան՝ առանց դաւանանքի խտրութեան չինայել իրենց յուման այդ մեծ գործի համար:

ԱՆՊԱՅՄԱՆ ԴԱՏԱՊԱՐՏԵԼԻ ՎԱՐՄՈՒՆԷՔ

Չգիտենք ինչ անուն տալ այն անպայման տգեղ ու դատապարտելի վարմունքին, որ թող է տուել իրեն Թիֆլիզի հայ գրողների ընկերութիւնը:

Կատարում է Համազգային Յօրեկան, որոշուած է կազմել այդ առթիւ միայն դպրոցական ֆօնդ: Մի ամբողջ տարի այդ ընկերութիւնը փորձեց յաւերժացման խնդիրը լուծել տալ իրեն նպաստաւոր ձևով, որ հոգևոր վարչութիւնը պաշտօնապէս ժողովարարութիւն կատարէ եթէ ոչ ամբողջապէս իր համար, գօնէ դրպրոցական ֆօնդի կողքին նաև իր օգտին՝ իբրև զրական ֆօնդ: Սակայն չյարգուեց խնդիրը. Ամենայն Հայոց Կաթողիկոսը շատ իրաւամբ նպատակաշարմար համարեց չկապել համազգային կրթական գործը մի մասնաւոր, շատ սրոշ գունատուումն ունեցող ընկերութեան բաղդի հետ, մանաւանդ որ ժողովրդի դիտակից ու լայն խաւերը պահանջում էին ամեն կողմից միայն և միմիայն դպրոցական ֆօնդ:

Եթէ այդ մարդոց մէջ չիտակութեան նշոյլ անգամ լինէր, պէտք է որ այս հանդիսաւոր օ


րին իրենց ձայնն ևս միայն էին ժողովրդի և Հայրապետի ձայնին, անկեղծ կոչ կարգային իրենց համախոհներին ընդառաջ գնալու դպրոցական ֆոնդի գաղափարին, հրաւիրէին չզանալու իրենց լուծմանը մեր մատաղ սերնդի կրթութեան համար:

«Հորիզոն» թերթը—որ Թիֆլիզի գրողների ընկերութ. շահերի թարգմանն էր և կատարի կռիւ էր մղում նրանց հետ միասին դպրոցական ֆոնդի դէմ—սրանից միջանի օր առաջ տպուած առաջնորդում մի առանձին մեծահոյութեամբ հրաւէր կարգաց իր ընթերցողներին յաւերժացնել այս պատմական օրը այնպէս՝ ինչպէս որոշուած է—այն է՝ նպատակ դպրոցական ֆոնդի ստեղծելուն, քանի որ հասարակում գրական ֆոնդի խնդիր չկայ: Թուում էր, թէ գոնէ վերջին ըրպէին մենք առանց տարաձայնութեան կարող էինք մասնակցել Մեծ Յօրելեանին: Սակայն սխալուած ենք. ահա հէնց տօնակատարութեան նախօրեակին Թիֆլիզի գրողների վարչութիւնը հրատարակում է «Հորիզոն»-ում և առանձին թերթիկներով իր կոչը՝ գրական ֆոնդի համար: Մի թէ կարելի է երևակայել աւելի նեղ սիրտ ու փոքրոգի բայլ, ամբողջապէս ծծուած վրիժառութեան զգացումից, բան իրեն թոյլ է տուել Թիֆլիզի գրողների ընկերութեան վարչութիւնը: Եթէ այդ բայլը արուած լինէր իսկապէս ընկերութեանը մի ծառայութիւն մատուցանելու, ապա չէր կարելի արդեօք մի փոքր յետաձգել «կանոնադրութեան առաջին յօդուածի եօթներորդ կէտի» գործադրութիւնը կամ վերապահել մի այլ «պատեհ ժամանակի» նման դիմումները:

Ո՛չ, հայ գրողների ընկերութեան շահերի պաշտպաններին չի հետաքրքրում դրական գործը. նրանց համար գրական ֆոնդ կը կազմուի թէ չի կազմուի՝ այդ միևնոյն է, որովհետև եթէ նրանք գրական ֆոնդի համար աշխատէին, այդպիսի կերպարանք չէին տայ իրենց ժողովարարութեան խնդրին: Նրանց համար այս ամբողջ խնդիրը մի տեսակ սխալ հասկացած պատուոյ և կեղծ ինքնասիրութեան խնդիր է:

Եւ ահա՛ գլուխները կորցրած հրապարակ են նետուում և վտանգում են ո՛չ միայն իրենց ընկերութեան վարկը, «գրական ֆոնդի»

խնդիրը, այլև խանգարում, փորձում են խանգարել մեր դպրոցների ապահովութեան գաղափարի իրականացումը:



Ս. ԷՋՄԻԱՏԻՆ

ՏԻՈՒԻ ԻՐԱԿԱՆՈՒԹԻՒՆԸ

Հայ ազգը զեկավարող անձինք իրենք կարծես թէ զուրկ են արժանապատուութեան զգացումից և այդ պատճառով ազգի արժանապատուութիւնն էլ քաշքշոււմ են հրապարակներում:

Ազգը զեկավարող այդ պարոնները մի տարի առաջ մեծ շառաչիւնով, ազմկալի գոռումպոչումներով նորոգեցին «Հայկական խնդիրը» և նրա գոյութիւնը արհեստական կերպով երկարատև շինելու համար էլ ո՛չ մի միջոցի առաջ կանգ չառան:

Հայերէն լրագիրները լիփ-լեցուն էին վերջին տարին Թիւրքիայից թիւրքահայ բարբառով գրած այնպիսի թղթակցութիւններով, որտեղ իրենց կառավարութեան հասցէին ուղղուած էր յանդիմանութիւն, տրտունջ, ծաղր, նախատինք, հայհոյանք: Թղթակիցները ծածկանուններով էին ստորագրում իրենց գրութիւնները, այդ թղթակցութիւնները հրատարակող լրագիրներն էլ թիւրքիոյ սահմաններից դուրս էին. այդ պատճառով թէ գրողը և թէ հրատարակողը իրենց անձը պատժից ու վրէժից ազատ էին համարում և օրն օրի վրայ աւելի սանձարձակ դառնում: Մտածող չկար, թէ իրենց—այդ ծածկանուն բաշերի—պատուած բերան թղթակցութիւնների պատճառով կամ նրանց հայհոյանքները հրատարակող լրագիրների պատճառով՝ Թիւրքիոյ ամ-